


# 備急灸方



書

第四輯

基礎藥

闻人耆年述

# 备急灸方

中国书店影印

据光绪本影印

本丛书编委

|     |     |     |
|-----|-----|-----|
| 主 编 | 李经纬 | 孙学威 |
| 编 委 | 王致谱 | 傅 芳 |
|     | 郑金生 | 胡乃长 |
|     | 任春梅 |     |

备 急 灸 方

\*

中国书店 出版

新华书店首都发行所发行 通县财联印刷厂印刷

\*

787×1092 1/32 印张: 2.375

1987年11月第1版 1987年11月第1次印刷

印数: 0001—6000

定价: 1.00元

## 序 言

中国医药学是一个伟大的宝库，在数千年历史发展过程中，积累了丰富的医疗实践经验，形成了自己独特的理论体系。

认真学习中医原著，是继承和发扬中医学的传统方法，也是较好地掌握中医理论的基本途径。建国三十多年来，出版过数百种中医原著的影印本、点校本，满足了广大中医工作者的需求，促进了中医学的普及和提高。但是，这些中医原著的影印本或偏重于善本、孤本、秘本，或部头较大，印数不多，一些排印本也大多出版较早，久已脱销。有鉴于此，我们编选了这部《中医基础丛书》，以满足当前三十多万中医工作者和中医函授、刊授学员自修进修之需要，该丛书由北京市中国书店影印出版，全国新华书店发行。

中国医学发展到明清时期，较唐宋以前有了明显的提高，特别是在注疏阐释古典医著、丰富临床实践经验、重视医学普及等方面，都大大超过前代，因此，本书选题以明清医家撰著为主，其收录原则为通俗易懂、切合实用、理论与临床并重，注意发挥小科优势等。收录的范围是：（一）在中医学史上有较高价值，建国以来从未出版者；（二）在中医发展史上起过较大普及作用，建国以来未曾出版或虽出版而供不应求者；（三）富有中医特色，属中医精

中医短线而已面临失传之著述。本书暂定100种，分五辑影印出版。为保持原貌，本丛书均择较好的版本影印，不予删节。各书中有些现代科学尚不能解释的内容，或因受历史条件限制而夹杂的一些不当内容，尚希读者以辨证唯物主义的观点正确对待，取其精华，去其糟粕，用科学方法进行整理和提高，以推动中医学的进一步发展和繁荣。

医学的发展进步同其他任何科学学术水平的提高一样，都遵循着一个共同的规律，即是既要重视提高，又要重视普及，在普及的基础上提高，既要强调发扬，又要强调继承，有继承才能更好地发扬。我们编选这一部丛书，就是在这一思想指导下，力求使系统阅读者获得双重效果。我们希望《中医基础丛书》的出版，能为当前中医学的普及和提高，发挥一定的作用。

编者

一九八五年十月

十辯同心蘭室藏版

余十有三歲而失所怙母氏以教爲愛踰四十無所成自謂膝下之樂有足以盡此身者忽抱終天之恨淚涸而痛不定試爲陳之母氏素患頭風歲十數作作必嘔痰加以昏眩因得默齋撫幹叔父爲辛荼方於是作少疏雖作亦易愈近時烏附不易得每聞入京有便必以買川烏爲先或它出亦預合數服以進前數年或鼻塞不通或脾弱無味隨證審方儲材合劑或丸或散朝搆暮成未嘗敢求諸市肆然頭風則年餘不作矣矧又飲食頓忤但覺腳力微怯歲旦家常茹素飯則盡挽羹亦稱美炬卿私謂吾母今年七十而冒府如此眉壽何疑者越八日忽有小紅粟粒發右耳旁次日右頰右目頗腫命醫視之用藥敷貼膿毒漸出謂可徐徐抽

減謹重太過專守頭面不可妄施針砭之說有令灸三里穴下抽  
者醫持不可未幾其腫愈堅似瘡而根則大若癰而反無膿外不  
熱而內不疼旬日後始寤甚矣吾母至謂

炬卿

曰汝抄方嗜藥胡

不曉此證倉忙中罔知所措更醫亦云無策母氏神識了然以至  
不救日月不居俄至卒哭客有攜示蜀本灸經與竹馬灸法者備  
述剋驗內有鬚疽丁瘡乃知咸有灸法而竹馬一法則諸證無不  
治痛哉痛哉何嗟及矣

炬卿

平時每慮風在頭目猶謂老人脫有


隱疾可以延壽幸而頭風已痊又孰知危證之竊發喜未幾而痛  
罔極哉此所以仰天槌心而嘔血也世有此方吾不蚤得而見之  
吾母不存而其方則存其方存而後之人有蚤得而見之者庶幾

十辨同心蘭室藏版

乎吾母雖無及而猶及人也遂與烏辛茶方併刊以傳焉吾母山陰博古石氏也淳祐乙巳五月朔孤學鄉貢進士孫

炬卿序







韓昌黎曰善醫者不視人之瘡肥察其脈之病否而已矣脈不病雖瘡不害脈病而肥者死矣然世有癰疽發背之疾其起也漸其發也烈人往往忽於微芒而昧於不自覺一旦發暴盛腫猝不及治若再誤於庸醫靡有不戕其生者至如窮鄉委巷醫藥何求奇疾乍嬰徒嗟束手余愧不知醫每念及此未嘗不怒焉傷之貴陽陳衡山嵯尹嗜古篤學尤喜搜石渠金匱之書曾於扶桑都市得南宋孫炬卿舊刻團練使張公渙所著備急灸法一卷以畀余曰此灸法中國不甚枕見蓋以世失其傳耳食者習焉不察每易忽之苟得此編按圖點穴如法酹灸則消患未然化艱爲易其方藥

味無多見功綦速誠爲濟世救人之寶筏余嘗攷鍼灸科居十三科之一宋熙甯元豐閒特置提舉判官設科以教之當時已信行如斯其應效有可想見者細繹此卷覺男女老少童穉內外雜症無不可療其中騎竹馬灸法之良更他人所未及論抱朴子云百家之言與經一揆譬操水者器雖小而救火同焉猶施灸者術雖殊而救疾均焉况返死回生孰如灸法之神且速耶良友鍼砭之投何承自秘爰將原本並余所得鍼灸擇日編一併付梓俾廣流傳亦以副衡山濟世深心此二者流落東瀛垂數百載幾無知者今復歸之中國徧起沉疴庶知廣陵散猶在人間也

光緒十六年歲次庚寅仲夏

十辨同心蘭室藏版

上杭羅嘉杰少畊氏識於日本橫濱理廨

月

日

備急灸法

寶慶丙戌正月望 杜一鍼防禦壻樵李聞人 耆年述  
古人云凡爲人子而不讀醫書是謂不孝則夫有方論而不傳諸  
人者甯不謂之不仁乎然方書浩博無慮萬數自非夙昔究心未  
易尋檢本朝名醫團練使張渙著雞峯普濟方外又立備急一卷  
其方皆單行獨味緩急有賴者張公之用心其可謂切於濟人者  
矣僕自幼業醫凡古人一方一技悉講求其要居鄉幾四五十載  
雖以此養生亦以此利人僕今齒髮衰矣每念施藥惠人力不能  
逮其間惠而不費者莫如針艾之術然而針不易傳凡倉卒救人  
者惟灼艾爲第一今將已試之方編述成集鋟木以廣其傳施之

無疑用之有效返死迴生妙奪造化其有稍涉疑難之穴見諸圖書使抱疾遇患者按策可愈庶幾少補云

諸發等證

石癰附

腸癰

丁瘡

附骨疽

皮膚中毒風

卒暴心痛

轉胞小便不通

霍亂

轉筋

風牙疼

精魅鬼神所淫

夜魘不寤

卒忤死

俗謂鬼打衝惡也

溺水

自縊

急喉痺

鼻衄

婦人難生

小腸氣

一切蛇傷

犬咬

狂犬咬毒

屈指量寸法例

以薄竹片或以  
蠟紙條量手中  
指中節橫文取  
上下截齊斷爲  
一寸男左女右





諸發等證

一

葛仙翁刻石江陵府紫極宮治發背發肩發髀發鬢發肋及一切惡腫法已上數種隨其所發處名之也其源則一故灸法亦一本然數種中死人速者發背也其候多起於背胛閒初如粟米大或痛或痒色赤或黃初不以爲事日漸加長腫突滿背疼痛徹心數日乃損人至此則雖盧扁不能治矣惟治之於初皆得全生其餘數種皆依法早治百無一死凡覺有患便用大蒜切片如錢厚如無蒜用淨水和泥捻如錢樣用之貼在瘡頭上如瘡初生便有孔不可覆其孔先以葦豆大艾炷灸之勿令傷肌肉如蒜焦更換待痛稍可忍卽漸放炷大又可忍便除蒜灸之數不拘多少但灸至不痛卽住